

նին նախորդում է Առաջավորաց պասը, որը ժողովրդի մեջ հաճախ կոչվում է խաշիլի պաս: Ս. Սարգիսը ներկայացվում էր որպես արագաթոռ ձիավոր, որն ըստ մի քանի գյուղերում կրկնվող պատմության ուռումնեթի՝ հույների աշխարհից, արևմուտքից կին է փախցրել: Նրան վերագրված հատկանիշներից կարելի է եզրակացնել, որ դա քամիների հեթանոսական աստվածություն էր՝ քրիստոնեական կերպարանք ստացած<sup>21</sup>: Նա փոշի, բուք ու բորան բարձրացնող կամ դադարեցնող զորություն էր օժտված, բարյացակամ էր վերաբերվում իրեն հարգողներին և ընդհակառակը՝ վրեժխնդիր լինում որևէ կերպով իր սիրտը շահողների հանդեպ: Նրան ձոնված էր հատուկ օր փետրվարի վերջերին կամ գիժ մարտի սկզբներին<sup>22</sup>: Ուրբաթ երեկոյան տանտիկինը պատրաստում էր փօխինձ՝ աղանձած ցորենի ալյուր և փօխինձի մի մասը մեղրի կամ շաքարի ջրով, վերջին ժամանակներս դոշարավ շաղախված՝ պատրաստում էր պուաւէր՝ փոքրիկ գնդիկներ, որ արևի մայր մտնելուց հետո բաժանում էր տանեցոց մեջ—փոքրերին և մեծերին, իսկ մի այլ մասը մաղով մաղում էր մի մեծ մէժմանու վրա, կողքին դնում էր ձեթի երաւ-նալբաֆի՝ պնակ իր պատրիկավ՝ պատրուկով և զետեղում էր կամ տան մղակում՝ շեմքին կամ շեմքի դիմաց մի ֆունջում՝ անկյունում փրցսիվէր՝ ոտքը վեր, երեսը վար կաթսայի վրա: Առավոտյան ստուգում էին՝ արդյոք սուրբ Սարգիսն այցելե՞լ է այդ տունը և նրա ձիու պայտի հետքն արդյոք դրոշմված է այդ փօխինձի, այդ փոշու վրա: Եթե այցելել է, ընդհանուր ուրախություն էր տիրում, ուրեմն նա համոզվել է, որ այդ տան մեջ իրեն հարգում են, և այնուհետև փոթորիկների ժամանակ նրանց պահպան կկանգնի. մանավանդ ճամփորդության ամեն փորձության միջոցին: Հաջորդ օրն այդ փոխինձից եփվում էր խաշիլ և կււււաքնէրի մեջ բաժանվում տանեցիներին: Սա էլ մի տեսակ մատաղ էր, որը նույնպես նվիրված էր սուրբին և ուտվում էր իբր թե ինքը սուրբն է ուտում: Խաշիլը Ձանգեղուրումն էլ, ինչպես Լեոնային Ղարաբաղում, լցվում էր կււււաքնէրի մեջ շատ հատկանշական ձևով, որը հիշեցնում է արևի սկավառակը: Նախ ածում են հարած չորթանը, ապա նրա վրա խաշիլն են ֆրքըմ՝ գցում, մեջտեղ շրխուր՝ փոս են անում և յուղ ածում: Մի ուրիշ ամանով կողքին դնում են թան. այդ թանից ուտողը ավելացնում է ուզած ժամանակ:

Թեև ուրիշ օրեր էլ այդ կերակուրը եփում էին<sup>23</sup>, սակայն այդ շէր ունենում այն անհրաժեշտ մոգական հանդիսավորությունը, որը տրվում էր նրան ս. Սարգսի տոնին:

Այդ օրն աղջիկները կատարում էին գուշակություն, թե ո՞ւմ հետ է վիճակված իրենց ամուսնանալը: Աղջիկներն ամբողջ ս. Սարգսի պասն անց էին կացնում միաժում, այսինքն՝ օրական մի անգամ ուտելով, այն էլ արևի մայր մտնելուց հետո: Ուրբաթ օրը թխում էին աղի բաղարջ մի մննանոց՝ մատնոց ալյուրի վրա ածում էին մի մրննանոց աղ, խմոր անում, թխում և պակեկուց առաջ ուտում՝ երազում ջուր տեսնելու համար: Ով որ երազում ծարաված աղջկան ջուր պարզեր՝ նա էր լինելու աղջկա դամարը՝ բախտից նշանակված ապագա ամուսինը:

<sup>21</sup> Հմմտ. M. Abegian, Der armenische Volksglaube, էջ 95:

<sup>22</sup> Ձանգեղուրում շատ աղոտ կերպով է պահպանված այն պատմությունը, թե դժգոհ սուրբ Սարգիսը փոթորկով ու ձյունով է պատժում իրեն չպատվող, շահասիրող անձին՝ նրա հարսանիքի օրը:

<sup>23</sup> Ալաշկերտում եփում էին նաև աօլի, Ձանգեղուրում՝ դօլ, այսինքն՝ ուխարի ծնից անմիջապես հետո առաջին կաթը՝ դալը, խեժը, խիժը: